

La lauseta e lo pinçon : cançon tradicionala

La lauseta e lo pinçon
Se maridavan tots dos,
Ionlà Tantirlirieta.
Se maridavan tots dos,
Ionlà Tantirlirià.

Mas quand siaguèron maridats,
N'avian pas res per manjar.

D'enlai arriba lo corbàs
Portava son fais de pan.
E mas de pan ne mancan pas
Aquò's de carn que n'avèm pas.

D'enlai arriba un auriòl
Un quartièr de buòu sul còl.
E mas de carn ne mancan pas
Aquò's de sietas que n'avèm pas.

D'enlai se'n ven lo passerat
De sietas ne portava plan.
Mas de sietas ne mancan pas
Aquò's de vin que n'avèm pas.

D'enlai arriba l'estornèl
Portava son fais de vin novèl
E mas de vin ne mancan pas
Aquò's de veires que n'avèm pas.

D'enlai arriba la pèrdic
Portava un lièch tot garnit.
Ara qu'avèm per cochar
Aquò's per dançar que n'avèm pas.

D'enlai se'n ven lo rossinhòl
Son cant fa ressondir lo bòsc
De musicians ne mancan pas
Tot lo monde deu dançar.

Tradicional